



A lokisetse Morena sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



Moruo o hotse ka 3.1%

2

O pepesa bobolu

3



13

LHDA E TLA KA THAROLLO

www.moeletsioabaso^{tho}.co.ls



Re se re fumaneha ho marangrang

Email: newsroom@moeletsioabaso^{tho}.co.ls
Tel: +266 28350466/ Whats app: 62600983

MOELETSI**Tse thabisang
ka moruo**

Moetapele oa Mokha oa Sechaba sa Basotho (BNP) o re ketsahalo e malimabe ea ho thunngoa ha hae e 'montšitse hore lehloeo leo a neng a nahana Basotho ba mo hlohile ka lona, ha lea teba hakaalo. Ka hona o tla tsoelapele ho pepesa bobolu bo bonahalang bo ntse bo e-ja setsi kahar'a puso e teng ha joale. O ipilelitse ho Tona-Kholo ho behella kathoko bohle ba amehang Lekaleng la Mesebetsi e Moholo, hobane ba ntse ba etsa bobolu. Empa o re se mo makatsang haholo ke hore batho ha ba lokela ho hlaha kapel'a Komiti e Alositseng Lichelete tsa Sechaba (PAC) ba qosa paramente Makhotleng a Molao. Ba sebelisa Ramolao oa 'Muso ho etsa tsena tsohle, ea lokelang ho etsa bonnete ba hore thepa eohle ea 'muso e sireletsehile 'me ba ikarabellang ba phetha litokelo le boikarabello ba bona. O lebohile bohle ba mo fileng tšehetso nakong eo e mahlonoko.

Moparamente oa United For Change o hlotse moetapele oa hae ka nyeoe e neng e kene Lekhotleng le Phahameng, moo a neng a qosoa ka ho furalla 'muso paramenteng a tšelela ka bohanyetsing. Lekhotla ka Moahloli e Moholo le lihile kotlo ea hore balli e leng moetapele a lefe litšenyehelo tsohle tsa nyeoe. Thapeli e se e le hore e mpe ebe moparamente enoa o tiile h'a re o il'o sebeletsa sechaba, le hore o tena a tšelela bohanyetsing hobane a shebile sona e se lithahasello tsa hae. Ke 'nete hore motho ha hloke ho ba pusong ho etsa mosebetsi, leha a le ka bohanyetsing a ka o etsa mohlomong o tsoileng matsoho le ho feta. Ka hona ha re boheng re bone hore na o tla feela a phethahatse tšepiso eo ea hae.

Maemo ana a phetoho ea boemo ba leholimo a fetotse lintho haholo, empa ho ka sehlohong ke temo eo e leng mokokotlo oa naha. Ka hona ho loantša maemo ana Lekala la Temo, Kanetso ea Lijo le Phepo e Nepahetseng li tiile ka mekhoha e nepahetseng ho ntlafatsa temo e sireletsehileng ka marang-rang. Morero ona o tšehelitsoe ke Mokhatlo oa Lefatše oa Lijo (WFP), o e seng lekhetlo la pele o sebetsana le ona. Morero ona o tla kenngoa tšebetsong ke Morero oa Ntšetsopele oa Lihoi tse ntseng li Thuthuha (SADP), o tla qala pele ka ho etsa boithuto libakeng tse hloahiloeng. Ebe kamor'a nako ha ho se ho entsoe tlhahlobo morero o tla anela le linaha e le hore lihoai tsohle li fumane molemo. Re leboha lekala ha le ntse le etsa ho hong ho matlafatsa lihoai le ho li fa malebala mabapi le maemo ana a sa jeseng litheohelang.

Ka lehlakoreng le leng, litaba tse monate ho hlaha Bankeng e Kholo ea Lesotho (CBL) ka Mookameli oa eona ke hore moruo o holile ka 3.1%. 'Me sena ho hlalosa se bonahetse khoeling ea Pulungoana ngoahola moo o neng o le ho 1.3%. Kholo ena e tlisitsoe ke khaho oa mokhahlelo oa bobeli oa matamo a Morero oa Metsi a Lihlaba tsa Lesotho (LHDA). Le hoja ho ntse ho e-na le liqholotso khahong eo, moruo o ipapisitse le lintho tse ling tse ngata. Ho feta moo tlaleho ea Komiti e Kholo ea CBL e ile ea etsa qeto ea ho nyolla NIR target kahar'a makuka a banka e le hore Loti le tsebe ho lekana le Ranta ea Afrika Boroa. Ho feta moo e boetse e hlokometse hore moruo oa lefatše o tla hola ka 3.3% selemong sa 2025 ho isa ho sa 2026. Leha ho le joalo lintoa tse ntseng li tsoelapele joaloka ea Russia le Ukraine li tla o ama.

MOLIMO A BOLOKE LESOTHO LE BASOTHO**Moruo o hotse ka 3.1%****Tšeliso Thakholi**

Mookameli oa Banka e Kholo ea Lesotho (CBL), Dr. Maluke Letete o re moruo oa Naha ea Lesotho o hotse ka 3.1% ho tloha ka khoele ea Tšitoe ngoahola, 'me kholo ena e ne e tloha ho 1.5% e ileng ea bonahala ka Pulungoana ngoahola. O buile tsena h'a tekela bapahatlatlatsi ba litaba litlaleho tsa maemo a moruo tse fanoeng ke Komiti ea CBL, 'mookameli oa Bileng Lehakoe, Maseru ka la 3 Hlakola 2025.

O boletse hore ho hola hona ha moruo oa Naha ea Lesotho ho bakiloe ke khaho ea mokhahlelo oa bobeli oa matamo a Morero oa Metsi a Lihlaba tsa Lesotho (LHDA). A re leha ho bonahala liqholotso li ntse li le teng litabeng tse-

na tsa khaho ea matamo, kholo ea moruo oa Lesotho e ipapisitse le lintho tse ling tse ngata. "Ha re shebela pele kholo e lebeletsoe ho lula e tsitsitse empa e ke ea lekana ka linako tse fapakaneng ka lebaka la ho hloka botsitso 'marakeng e kante ho naha.

A re sekhahla sa litheko kahar'a naha li theohile ka 3.7% ha li ne li tloha ho 4.4% e ileng ea bonahala haholo ka khoele ea Pulungoana ngoahola. A re ka lebaka la maemo ana ao ho bonahalang lefatše le le tlasa khatlele e kholo ea moruo, Komiti ea CBL e ile ea fihlela qeto ea ho nyolla NIR target ea makuka a banka ho tloha ho US\$770Millione ho ea ho US\$840Million, e le ho thusa Loti ho tsoelapele ho lekana le Ranta ea Afrika Boroa.

A supa hore Komiti e Kholo e ile ea boela ea etsa qeto ea ho theola sekhahla sa tsoala ka 7.5% ho ea ho

7.2%, e ntse e etse hloko le ho lisa ho feto-fetoha ha maemo a moruo lefatšeng. Ereka Naha ea Lesotho e sa phele e le 'ngoe, o itse Komiti ha e'a ka ea hlahloba moruo oa Lesotho feela, empa e ile ea boela ea hlahloba ka botebo litaba tsa kholo ea moruo oa linaha tsa selekane, tsa lefatše, tse tsoetseng pele le tse ntseng li hola.

A re e boetse ea hlahloba ka kotloloho litaba tsa limmaraka tsa lichelete le botseteli lefatše ka bophara. "Ho hlahlobeng hoo ha bona Komiti e ile ea ela hloko hore moruo oa lefatše o tla hola ka 3.3% selemong sa 2025 ho isa ho 2026. Taba eo etsoa ka kotloloho Bankeng e Kholo ea Lefatše (IMF)." Ke Dr. Letete eo a bile a phethela ka hore moruo oa lefatše o tla angoa haholo ke lintoa tsena tse sa eng meriting tse kang tsa Russia le Ukraine le tse ling.

Mazenod BOOK CENTRE 22 322 213 / 27 350 562
mazerubookcentre@gmail.com / bookcentre@mazenodprinting.co.ls

Phakoana Tsooana M195.00

Malebela A5 M152.00 / A4 M75.00

Mosali a Nkhola: M195.00

Lesotho lea ea: M150.00

Tholoana tsa Sethepu: M130.00

Libuka tsa sesotho

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO

A LOKHETSE MORENA SECHABA SE PHETHEHLENG (LUKE 1,17)

Editorial

Lesoetsa Rakubutu

(+266) 6203 1949 / 58190670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

O re o tla lula a pepesa bobolu



Nthabeleng Seithleko

Tona - Kholo ea 'Muso oa Lesotho, Ntsoakoane Samuel Matekane, o lokela ho hlalisa Letona la Mesebetsi e Meholo thoto ka monkhoane le ho laela bahlanka ba Lefapha la Lipalango-

ang ho arabela bobolu bo entsoeng lekaleng le joalo. Litaba tsena li hlalositsoe ke Moetapele oa Mokha oa Sechaba sa Basotho (BNP), Machesetsa Mofomobe, Ntlo-Kholo ea Mokha Maseru, ka la 4 Hlakola monongoaha.

O re bao ba hulanya seriti sa 'muso liretseng hobane joale ha ba qositse paramente ba buelloa ke

motho a le mong, ka hoo ho bohlokoa hore Ramolao e Moholo a fane ka boeletsis ba molao eseng ba lipolitiki kaha taba eo e senya seriti sa puso.

O tsoetsepele ka taba ea hore 'muso o tsoere paramente matsoho ka ho se phenya-phenye bahlanka ba lekala leo mahafi mabapi le mosebetsi o filoeng khoebo ea letona lekaleng

leo oa tokiso ea boemafofane.

O re bobolu bo entsoeng ke bao bo pepeneneng, ha ba na sekoti sa ho ipata 'me ba fumane hore M50Millione e neng abetsoe tokiso ea boemafofane e nyolohe-tse ho M184Millione. O re bobolu bo aparetseng naha ena bo lokela ho sebetsoa kaha e le tse ling tsa lintho tse sitisang kholo le ntlafalo

ea naha.

"Ke semaka ho bona moo lekala la 'muso le qosang paramente e se ke ea etsa mosebetsi, ke ntho e mpe." A rialo.

Ka lehlakoreng le leng o hlalositse hore sechaba sa Basotho se entse hore a shebe litaba ka leihlo le leng, kaha a hlokometse nakong ea ho thunngoa ha hae hore h'a hlouoa ho latela kamoo a neng a nahana ka teng.

A leboha bohle, haholo boetapele ba bohanyetsi, sechaba sa Basotho le sepolesa ka ho mo phallela nakong eo e thata. A re seo a se tsebang ke hore se et-sahetseng se tla tsebahala.

A tiisetse Basotho hore o tl'o sebetsa ka thata ho feta le ho etsa mosebetsi oa paramente, a sa tsohe bo-rasethunya ho hang. O tla tsoelapele ho beha bobolu ba 'muso pepeneneng a sa natsoe boemo.

O re Letona la Sepolesa Mohlomphehi Lebona Lep-hema le hanne ha Lekhotla la Matona, le batla ho ntša polelo malebana le ho thunngoa ha hae. O fumane hore mautloela a naha ena a bonahala a kena-kenana le bopaki ba nyeoe ea ho hlaseloa le ho thunngoa ha hae, empa o ile a bolella Motlatsi oa Tona-Kholo Justice Nthomeng Majara le Letona la Bophelo Mohlomphehi Selibe Mochoboroane ho khalemela mautloela ao hang, 'me ba tšepisitse ho etsa joalo.

O re tsa ho thunngoa ha hae, e ke ke ea e-ba tšita tšebetsong ea hae ea ho pepesa bobolu ba puso ena, 'me a teha ka mohlala botsamaisi ba paramente bo ileng ba tsoara linakeli le Letona la Mesebetsi e Meholo ea Sechaba le Lipalangoang, le liofisiri tse kholo tsa lekala leo, hore bao ba ritele moro-metsi oa nyeoe o thibelang bao ho phenngoa mahafi ke paramente.

H'a phethela o itse Setsi sa Thibelo le Toantšo ea Bobolu le Bomenemene (DCEO), se ntse se sebelisoa ke ba pusong ho qolla ba lokelang ho qosoa le ba lokelang ho tloisoa mahlo bobolung ba morero oa khaho ea lifeme, Ha Belo, Butha-Buthe hobane ba bang, ba ile ba reka likhomo bakeng sa liboka tse kholo tsa RFP.

Tota o tabanya Lekhoaba

Nthabeleng Seithleko

Lekhotla le Phahameng la Lesotho le ahloetse moparamente oa United For Change, Mohlominwane Tota khahlanong le Moetapele oa hae, 'Malichaba Lekhoaba, ea neng a re le phatlalatsa a ikamohile boparamente ka ho fetola setulo, ho tloha lehlakoreng la puso a ea bohanyetsing. Tsena li bile ka la 4 Hlakola monongoaha.

Lekhotla le lumellane le qeto ea Motsamaisi oa Lipuisano Paramenteng, Mohlomphehi Tlohang Sekhamane, hore Tota ha ho moo a tlotseng molao oa paramente, le mokha oa habo ha o na tokelo ea ho mo amoha setulo sa Komisi e Ikemetseng ea Likhetho (IEC). Moahloli e Moholo Sakoane Sakoane o fane ka kahlolo ea balli ba lefe lits'enyehelo..

Puisanong ka mohala le Mohlominwane Tota, ka la

5 Hlakola monongoaha, o hlalositse hore kahlolo ena e mo thabisitse kaha e file paramente seriti le hore ha motho a khethiloe ke mokha ho ba paramenteng a se ke a isoa holimo le tlaase, hobane ho ne ho se phoso eo a e entseng ka hoo ketso ena e tla mo nolofaletsa ho ntša maikutlo le ho buella

sechaba sohle paramenteng ea Lesotho.

A re ke takatso ea hae ho sebeletsa sechaba le ho ba le lentsoe le buellang sechaba etsoe e le mosebetsi o moholo oa bohanyetsi.

O re ketso ena ea ho qosoa e bohloko hobane e kentse mokha oa habo lits'enyehelong kaha ba

setse ba se na chelete ka mokotleng ho na le M6, 000.00.

O itse ho bohlokoa hore ha motho a etelletse mokha pele a se ke a sebetsa litaba ka maikutlo a hae, empa a sebeletse sechaba. Hape a re ha bone kholo kahar'a mokha kaha litho li arohile likoto tse peli.



RE TŠEHETSA BACHA

Tšeliso Thakholi

Kajeno mocha eo re tlii'o bua le eena ke Maipato Frangeni Mohloai ea tsebahalang haholo ka lebitso la "Sphe" eo e leng 'mabotle ebile e le mohlophisi oa bo-mma-botle, 'me o tliile ka leoa le lecha moo a tliilo re phethela ka tsa leeto la hae la ho theha sekolo se bitsoang Lesotho Academic Arts and Modeling School(LAAMS).

Hantle "Sphe" ke mang?

Ke Maipato Mohloai "Sphe" ke hlahetse Masite tikolohong ea Ha Mokau-li. Batsoali ba ka ke ntate Samuel Mohloai le 'm'e 'Mamaipato Mohloai ba seng ba aihle motseng oa Ha Abia Seterekeng sa Maseru. Ke motho ea nang le lerato le leholo la moetlo le bochaba ka leb-aka la tšehetso ea Sotho Kids.

U kene sekolo hokae?

Ke kene Sekolo sa Math-

omo sa Tsoelo-pele 'Moho, ka fetela ho se Phahameng sa St. Catherine's e leng hona moo ke ileng ka qala talenta ea ka ea bo-mma-botle. Ka fetela Sekolong sa Mosebetsi oa Matsoho tsa Fokothi, 'me ka 'na ka ntšetsapele talenta ea ka ka ho kenela litlholisanong tse 'maloa tsa bo-mma-botle moo ka selemo sa 2018 ke ileng ka ba Miss Fokothi. Ka khetheloa ho emela Likolo tsa Thuto e Phahameng litlholisanong tsa Miss LUCSA moo ke ileng ka hlaha Top 8. Ka boela ka kena Sekolong se Seholo sa College of Netherlands moo ke entseng lengolo la Diploma in Managing Projects and Organizations.

Qaleho ea ho theha sekolo

Kamora hore ke be karolo ea tsamaiso ea Mokhatlo oa Maru-a-Pula, ke ile ka tsoa ka ea theha sekolo sa bana sa arts ka la 17 Hlakola 2024, hoba hae-sale ke le motho ea ratang arts ka mekhahlelo e fapaneng ea eona. Ke ruta



bana ho tloha ha ba le lilemo li peli ho isa ho tse 17.

Sepheo sa sekolo

Sepheo se seholo sa ka ke ho khothaletsa bana ho kena lipapaling ba sa le banyenyane ho itlhabolla, ho ba ruta hore ka litalenta tsa bona ba ka tseba ho iphelisa ha ba ntse ba hola. Empa e kholo ka ho fetisisa ke ho ba qobisa tai, manyalo a bana le bokhachane lilemong tse tlase.

Liqholotso le likatleho

Ho tloha sekolo se thehiloe ha re e-s'o be le liqholotso ho hang. Ho feta mona hara likatleho tseo re seng re li fihletse ke ho eteloa ke ba Thelefishini ea Lesotho (LTV) ka Lenaneo la Linaleli. Taba eo e bile ea bohlokoa haholo ho rona kaha e ile ea tsosa bana morolo le ho khothala ho bona hore ho ntse ho e-na le batho ba nt-seng ba re shebile, 'me ba bile ba bona mesebetsi e

metle eo re e etsang. Bana ba rona ba nkile karolo e kholo kahar'a African Cuisine Festival, Kasi Fashion Expo Activation le Futuristic Afrofashion Fashion and Exhibition 2024 ka morero oa ho holisa le ho matlafat-tsa litalenta tsa bona, moo teng re atlehileng ho etsa Swimming, Modelling, Sign Language Gymnastics, French Language le tse ling tse ngata.

Keletso ho bacha

Bacha ha re keng re leke litsela tsohle tsa ho bona hore rea iphelisa ka litalenta tsa rona, re ithehele mesebetsi e le hore re qobe botlokotsebe ka litsela tsohle. Etsoe Mosotho o re: ho ipaballa ho molemo ho feta setlhare. Seo re se kopang ho batsoali ba rona ke tšehetso ea mekhoea e fapaneng ea ho iqalla mekhoea ea boipheliso ba litalenta tsa rona.

Listen To Us Here

92.6 fm bokamoso Mafeteng Mohale's Hoek Qach's Nek Quthing
97.4 fm bokamoso Maseru Berea Leribe
98.2 fm bokamoso Mokhotlong Thaba Tseka Buthe Buthe

www.bokamoso974.co.za

E phatlalatsa maano

Tšeliso Thakholi

Moetapele oa Kobo-Tata ea Basotho (ABC), Nkaku Kabi o re hara a mang a maano a macha ao lekhotla la habo le a ananetseng ke ho behella ka thoko ha nakoana mekitlane ea lihlapiso tsa NMDS, bakeng sa baithuti ba se nang mokhoa oa ho lefa e le hore e se ke ea khina ho ntšetsa-pele lithuto tsa bona.

Tsena Kabi o li hlalositse baphatlalatsi ba lita-ba 'mokeng o bileng Ntlo-Khoho ea Lekhotla, Maseru ka la 4 Hlakola monongoaha moo a hlalositse hore ho ntse ho e-na le leano la khale la hore baithuti ba ke ke ba ntšetsa lithuto pele ha feela ba e-s'o lefe NMDS. O re boikeletso ba bona e bile hore ba hlahlobe leano la khale le hore na ba ka le behella ka thoko ka litsela tsa mofuta ofe, e le ho leka ho nolofaletsa baithuti menyetla ea bona ea bophelo hore e se ke ea khineha.

O re lekhotla le ile la eelloa hore pheko e khoho ea liketso tsa batho ba likobo, "tsena tse sa amoheleng sechabang ke ho ba hlahisetse mesebetsi." Ka hona leano la Kobo-Tata ke hore sebetse se seholo sa ho loantša botlokotsebe ke tlhahiso ea mesebetsi. "Ho sebeletsoe hore batho bana ba likobo ba hlahisetsoe mesebetsi." A rialo.

O boetse a toboketsa hore sepheo se seholo sa bona, ke ho tla sebetse 'moho le bacha ka ho aha leano la Lekhotla la Bacha la tlhahiso ea mesebetsi, leo morero oa lona oa mantlha e leng ho tla hlahisetsa bacha mesebetsi ka ho ba thehela likhoebo le ho ntlafatsa tse teng.

A boela a thatiselletsa ka hore Kobo-Tata e boetse ea lumellana ka leano la teka-tekano ka hore basali le bacha ba be le seabo litabeng tse ba amang. "Basali ba lokela



le ho bonoa le thomong le moo ba tsamaisang kapa tsamaisong." O boletse joalo a bile a eketsa ka hore lekhotla le tiilo ba le leano la likoporasi. A re lipatlisiso li bonts'itse hore likoporasi ke khoebo e matla e ka hirang batho ba bangata ka nako e le 'ngoe, e bile e sebelisa bona batho. A tiisa hore likoporasi e sale e le ntho e teng ho tloha mehleng ea Morena Moshoeshoe kaha ka nako eo li ne li bitsoa matsema.

A qetella ka hore Kobo-Tata ea Basotho e tla

tsoelapele ho tšehetsa leho alosa Tlhopho-Bocha kaha ho feta ha eona ho tiilo rarolla mathata a mangata a Basotho, a bileng a kenyeletsang le mekha ea lipolotiki kahare le kantle ho paramente 'me ha li se li fetile, liqholotso tsena "tseo u tla fumana re sitoa ho fihla moo re eang li tla sitoa hore li be teng li tla batlatsa mabala." A qetella ka ho etsa khoeletso ho litho tsohle tsa ABC ho khutlela hae mamati a butsoe ba tle ba tl'o sebetse 'moho.



Libetsa fatše-TK

Nthabeleng Seithleko

Tona-Kholo Samuel Matekane o re Lesotho le

khothaletsa khotso lipakeng tsa mahlakore a loanang Democratic Republic of Congo (DRC), ka le reng ha ho ka tselela eo ba ka kenang litaba tseo ba sa li tsebeng

e le naha. Litaba tsena o li boletse 'mokeng oa bo-ralitaba oa la 4 Hlakola monongoaha.

O tobokelitse hore boemo ba Lesotho tabeng ea likhohlano ke ho se

nke lehlakore, 'me e ike-miselitse ho kenya letsoho matsapeng a retsoeng ho khutlisetsa khotso Naheng ea DRC. A totobatsa hore sepheo sa mantlha sa Lesotho ke ho khothaletsa khotso eseng naheng ea DRC feela empa Afrika ka kakaretso.

A re Lesotho le eme le tiile ho sebeletsa ho bona hore boikemelo ba Naha ea DRC bo ea sireletsoa le hore ho rena khotso kahare ho naha eo.

A ipiletsa ho mahlakore ohle a amehang qakeng ea DRC ho lula fatše le ho buisana molemong oa ho rarolla likhohlano tse teng le ho bopa khotso. A re e le Naha ea Lesotho ba tla tsoelapele ho phetha boikarabello le boitlamo ba bona popong ea khotso le botsitso kahare ho Afrika eohle.



Le tla botsoa lefu la 'm'a le leseae-Mochoboroane

Nthabeleng Seitlheko

Vodacom Lesotho e nehelane ka morero oa M-Mama ho Lekala la Bophelo, eo morero e leng ho potlakisetsa basali Setsing sa Bophelo ho fumana kalafo ka potlako nakong ea pelei. Litaba tsena li bile Mohale's Hoek, ka la 31 Pherekhong monongoaha.

Letona la Bophelo

qalile ka khoeli Motšeanong 2019, lenaneo lena le sebelitse ka ho tsamaisa basali le bana ba 7,675, 'me hoa pholosa bophelo ba ba 186. O re sena se kenyeletsa liketsahalo tse 7,117 tsa basali ba neng ba le tlakotsing, 538 ea bana ba neng ba qeta ho hlaha, 20 ea basali ba neng ba tsamaisa basali le bana ka nako e le 'ngoe. Sena se fihletsoe ka liketsahalo tsa maeto a 9,521 tsa baqhobi ba sechaba le maeto a 231 a likoloi tse palangoang ke

ntšetsapele tšebetso ea M-Mama, e netefatsang tsoelopele le kholo ea tšebeliso ea marang-rang e thusang kanetso ea litšebeliso tse potlakang. Ba re ke takatso ea bona hore morero ona o tsitse, 'me o tsoelepele molemong oa Basotho.

Pejana ho M-Mama, Vodacom e ne e hlokometse hore ho thata hore libakeng tse ling basali ba fumantšoe likoloi nakong eo ba neng ba il'o pepa, e leng se neng se baka tahlehelo ea

roane o re Lesotho le hloka M27Millione ho lefa basebetsi ba 1,500 bao mosebetisi oa bona o angoeng ke liqeto tsa mobusi oa Amerika, Donald Trump. Tse-na li hlahelletse puong ea hae, ka la 31 Pherekhong monongoaha.

O re leha ho le joalo, e le babusi ha ba ea lokela ho felloa ke matla, ba lokela ho fa sechaba tšepo, 'me o tšepisa hore basebetsi bao ba tla khutlela mesebetsing, kaha lekala le buisane le metsalle ea lona, ba fu-

ameha ka hore tlatsetso ea Amerika e etsa 18% e ka holimo ho M500Millione.

Letona le boetse le hlalositse hore ngoahola Lesotho le ile la fumana M30Milione ho tsoa ho WHO, kahoo ho ikhula ha Amerika ho ho tla ama khakanyo ea lichelete ea WHO le chelete eo ba neng ba e fumana.

A re ngoahola Lesotho le ile la fumana M1.3Billione ho tsoa USAID le PEPFAR, ha ka monongoaha le ne le lebeletse M1.2Billione, empa chelete ena e tla



Mohlomphehi Selibe Mochoboroane, o totobalitse hore naha ea Lesotho ha e sebetse hantle ho theola sekhahla sa ho hloka hlahala ha basali le bana nakong ea pelei. A re ha joale ha ho sa na palo ea basali ba hlokalang lipakeng tsa lapeng le sepetelele kaha joale ba hloka hlahala matsohong a lingaka.

"E mong le e mong o tla lokela ho arabella ketso e mpe le e ntle eo a e etsang, kaha tahlehelo ea 'ma le ngoana nakong ea pelei e se ntho e nyane." Ke Mochoboroane eo.

A re katleho ea M-Mama ha e belatsetse, ho tloha e

bakuli.

O ipilelitse ho bahlanka ba lekala la habo ho tsoara morero ona hantle hobane o molemong oa Basotho le ho ba thusa ho pholosa bophelo.

Mookameli oa Vodacom Lesotho Mohale Ralebitso le Lee Wells oa Vodafone Foundation, le bona ba ile ba totobalitse katleho le tšebeliso 'moho le ho bontša tšepo ho 'Muso ho matlafatsa le ho atolosa lenaneo hore bophelo ba Basotho bo bolokehe, haholo basali nakong ea pelei kaha ba le tlakotsing.

Vodafone Foundation e tlatsetse ka \$4.5Millione ho

bophelo. Ka hoo leano la M-Mama, le sebelisa lipalangoang tse fumanehang habonolo, tse kenyeletsang lipere, likoloi le tse ling ho thusa ho pholosa bophelo, e le ho tsetela ntlafalong ea bochaba.

Ka tšebetso ea 'muso le katleho e netefalitsoeng, bokamoso ba M-Mama bo a khanya, ka hona katleho ea eona e tsoaetsa tšebetso e matla bakeng sa linaha tse ling tse batlang ho ntlafatsa tlhokomelo ea bophelo bo botle libakeng tse hole le tse sa fihleleheng, ka ho sebelisa mekhoha ea bochaba e le ntlafalo.

Ho sa le joalo Mochobo-

mane hore ka mokotleng oa lona le ka atleha ho ba le M9Millione, 'me karolo e 'ngoe e setseng o ntse a tsoma hore na ba e fumana mafapheng afe.

O re Trump o sisintse lefatše hampe e se ka phoso kaha mobusi e mong le e mong ha kena litulong a e-na le maano a tsamaiso ea puso, 'me eena o tsetse a 2000. Har'a ona a mang a ama Lekala la Bophelo ka kotloloho haholo leano la ho ikhula ha Amerika kahar'a Mokhatlo oa Lefatše oa Bophelo (WHO). O re Naha ea Lesotho ke setho kahar'a mokhatlo ona, ka hoo e tlo

lahleha haeba Trump a tisa qeto ea ho khaola lithuso tsa machabeng.

Ke bonyane Basotho ba 240,000 ba phelang le kokoana-hloko ea HIV/AIDS, empa a re ha ho na ho ba le kotsi ho bona kaha 'muso o reka lithare tsa bophelo bohle ka 83%, ha 17% e hlaha ho Global Fund eo Naha ea Amerika e leng setho sa eona e sa amehang.

O itse ho fihlela ha joale ba ntse ba e-na le lisebelisoa tse thusang ho hlahloba la tsoaetso HIV/AIDS le TB ho fihla khoeling ea borobeli le ea robong selemong se holimo.

Temo e'a sireletsoa



Nthabeleng Seithleko

Lekala la Temo, Kanetso ea Lijo le Phepo e Nt-lafatseng le ntlafatsa leano la tšebetso la kanetso ea lijo, ka ho tla ka mekhoha e ntlafatseng ea marang-rang le polokeho

sebakeng sa ho etsa temo e sireletsehileng. Litaba tse-na li boletsoe ke Motlatsi oa Mongoli e Moholo oa Leka-la 'Malereko Molefi, ka la 4 Hlakola monongoaha.

O supile hore morero o moholo ke ho arabela litlhoko tsa lihoai kaha li bonahala li tsetela chelete e ngata temong li senyeheloa ka bongata ka lebaka la maemo a phetoho ea leholimo,

haholo komello, mocheso le likhohola. A re ba rata hore lihoai li ikutloe li bolokehile, etsoe re le leetong la ho khothaletsa naha e iphe-pang.

Morero ona o tla etsoa ka tšebetso ea lichelete ho hlaha ho Mokhatlong oa Lefatše oa Lijo (WFP), ebe o kenngoa tšebetsong ke Morero oa Ntšetsopele oa Lihoai tse ntseng li Thuthu-ha (SADP) e le boithuto o tla anela le naha kamor'a boithuto. Morero o moholo ke ho kenya letsoho ho matlafatsa tlhahiso le khoebo e ikemetseng kaha mosebetsi ona o tla etsoa ka nehelet-sano.

Nancy Elsie Chawawa ho hlaha WFP, o hlalositse hore mosebetsi ona oa polokeho o tla etsoa ho ipapisitsoe le boemo ba mobu, mefuta ea lipeo e tla hloka hore ebe morero o tsitsiseng. A re le ha polokeho e ka ba teng ha se batho bohle ba tla fumana thuso empa ho tla etsoa liqeto ho ipapisit-soe le lipheho.

'Mabafokeng Mangope ho hlaha SADP o itse tlatsetso ea theko ea lipeo e tlasa morero e tlo tlatsetsa lisebelisoa tsa masimong le



polokeho kaha ba hlokome-tse hore temo e ameha ke mocheso o matla le lipula tse ngata.

A re ka tšebetso ena ba tl'o tiisa sehlahisoa seo sehoai ka seng se tla atleha ho reka lihlahisoa haufinyane, ho qoba har'a tse ling tiehiso ea ho fumana thepa, ho nka maeto a matelele, 'me qetellong toro ea bona ke hore lihoai li qetelle li is-

etsoa thepa malapeng ho akofela tlhahiso le temo e behang litholoana tse ntle.

A re ho tla sebelisoa E-Voucher e le mokhoa o tla sebelisoa ke lihoai ho reka lihlahisoa, 'me tse-na tsohle li tla etsoa ka tšebetso ea WFP e ileng ea etsa mosebetsi. Ebe qetellong lekala le tsoelapele ka ho anetsa morero ona naha ka bophara.

Basali tšehetsanang

Nthabeleng Seithleko

Mokhatlo oa Women Achievers Africa o thakhotsoe semolao e le ho matlafatsa basali kahar'a Naha ea Lesotho ho latela litsebo ka ho fapakana, ka la 1 Hlakola monongoaha.

Moemeli oa Naha ea Lesotho kahar'a mokhatlo ona Paballo Maqala, o re basali ba lokela ho tsoarana ka matsoho mekhahlelong eohle ea bona ea tšebetso ho sa natsoe maemo a bona a lipolotiki, empa ba matlafatsane le ho ba ntsoeleng.

O re e bang basali ba Basotho ba ka utloisisa hore lerato kahar'a Basotho le ka atisoa ke bona, seo se ka thusa naha ho atleha mererong e mengata kaha e le bona baholisi ba bana ba bona. O supile hore basali ha ba ikhuletse morao litaba tse ling li'a senyeha 'moho le bophelo bo atlehileng ba sechaba.

O phethetse ka ho leboha

basali bohle ba atlehisitseng morero ona, ka hore bohle ba tsebe hore ke ha ba qalile boikopanyo, ntlafalo le ho bona hore litsebo tsa basali ba Basotho li'a atleha.

E mong oa bahoebi Thabiso Mochatso, o hlalositse hore basali ba matla, ba ka fetola bophelo ba bona ha ba le 'moho. A re ha ho mosali ea khoebong ea lokelang ho shebana le khoebo e le 'ngoe kaha ha li le ngata li tla thusa ho tšehetsana ha e 'ngoe e putlama.

President ea Mokhatlo oa Young Women in Africa Precious Banda, o itse mokhatlo oa habo o kopanyana basali ba banyenyane lipokotiking hore ba be ntsoeleng, ba se arohane ka lebaka la lipolotiki kaha seo se tla ba thusa ho ba baetapele ba kamoso ba atlehileng.

O re ba sebetsa haholo ka bacha ba lilemo tse 30 ho isa 40, ba ba matlafatsa khoebong, boikemelong, ho itlhahisetsa temong le tse ling kaha ba rata mosali oa Moafrika ea matlafatseng.



Ka hona a re mosebetsi o moholo oa bona ke ho tšehetsa sohle se buang ka mosali.

E mong oa maparamente a bileng 'mokeng ona Mamello Phooko, o bontšitse hore basali ba matla, ba lokela ho matlafatsa boitšoaro ba bona ka ho atolosa litaba tsa tlhopho hobane seo se thusa hore bohle ba ikemele ka matla lipolotiking ho se tša-

bo. Mosebetsi o mong le o mong o na le liqholotso ka lebaka leo o re ho ka ba bonolo hore bohle ba nke boikarabello ts'ebetsong ea bona.

A eletsa basali ba lipolotiking ho tsamaella thoko le lithahasello tsa bona, empa ba sebeletse Basotho bohle ho se khethollo, hoba Lesotho le ea fela le hloka basali ba emeng ho le sireletsa ho le thusa ho khutla le ho

le ntlafatsa ka litsebo tsa bona.


"Se behang naha ea rona mona ke ho hlokelana tšoarello re le sechaba." A rialo.

O itse lipolaeano le liketso tsa ho utloisana bohloko li bonahala e le bothata ba ho hloka tšoarello, ka hona ha basali ba ka ema ba ruta sechaba sa kamoso seo se tla thusa kholong e ntle ea naha.



MOB KIDDS EDUTAINMENT

Puzzle MOB 93-4572



Across

- 2 Lepoqo (10)
- 4 Ke Mokoena, Ke motho oa oa Mapapa, Nong li mo jele oa Marabeng sekotoana, (6)
- 5 Litaba tse behoang ka methamo kapa metjetje e ntse e le ho fetisa molaetsa joaloka lipale-khutšoe. (10)
- 6 Moren'a likoetsa! (5)
- 9 Lokisa lentsoe lena hore le nepahale (**Lokoepo**). (7)
- 11 Khorula ea Morena Lerotholi Mojela (8,6,6)
- 15 Ahe! Motebang, Ngoan'a Napo! Ahe Koena! ke seboko sefe se lumelisanang tjee? (10)
- 17 E 'ngoe ea libuka tsa Sesotho tse sebelisoang likolong tse mahareng. (8)
- 18 Eo e kileng ea e-ba moeletsi oa Morena Moshoeshe lilemong tsa 1837 ho isa ho 1855 (6,7)


Down

- 1 Seboko sa Basotho (10)
- 3 E 'ngoe ea lintoa tsa khale, Lesotho (8)
- 4 Oa 'Ma-moren'a moholo oa ho phahamela, Ea n'a phahamele naha e se ea hael! Ke Mokoena oa.... (8)
- 7 Beha lentsoe lena ka nepo ho hlahisa le nang le moelelo (**homoma**). (6)
- 8 Thothokiso ea A.B Thoahlane, bukeng ea Lemuloana, leqepheng la 60-61 (7)
- 10 Thothokiso ea William D. Lesenyeho, bukeng ea Ikutloele, leqepheng la 86-87 (6)
- 12 Leruo la khomo, mor'a Motloheloa! ke ba Mokoena oa.... (7)
- 13 Ak'u lokise lentsoe lena hore le fane ka moelelo (**lathengoa**) (9)

- 14 Sotholla lentsoe lena hore le be le moelelo (**Nakhoanse**) (9)
- 16 Ntat'a moholo'a Moshoeshe (5)

SOLUTION

MOB 93-4571





TSA KEREKE

‘Mabasotho o keteka le bakriste



2024-2025 SELEMO C

SONTAHA SA 5 HAR'A SELEMO



Isaia 6:1-2.3-8

Pesalema 137

Ba-Korinthe 15:1-11

Luka 5:1-11



Khothatso

Tloha ho 'na Morena hobane ke moetsalibe

Lipalo tsa kajeno li matla haholo hobane li bontša tsela eo re lokelang ho itsoara ka eona ha re le kapel'a Morena Molimo. Bongata ba rona re na le maikutlo a hore mohlomong ha Kriste a ka hlaha mona re ka mo mathela ho mo aka 'me re re, "Esale re u emetse Morena."

Empa hona ha se seo Isaia, Paulosi le Peterosi ba se entseng. Isaia o inkile e le moetsalibe, ea sa lokeleng ho ba moo Morena a leng hona teng. (Isaia 6:5) Paulosi ka lebaka la ho hlorisa Kereke, o bone ho sa le lokele hore a bitsoe moapostola. (1 Ba-Korinthe 15:9). Peterosi, Mopapa oa pele, o kopile Jesu o tloha pel'a hae hobane ke monn'a moetsalibe. (Luka 5:8)

Ana kaofela ha re baetsalibe? "Haeba re re ha re etse sebe, rea ithetsa ebile 'nete ha e eo ho rona." (1 Joannes 1:8) Joaloka baetsalibe na re na le tokelo ea ho ba le Morena? Kapa le rona re ka otlala ka lengole fatše ra re, "Tloha ho 'na Morena hobane ke motho oa moetsalibe?" Isaia, Paulosi le Peterosi ba ne ba le lehlohonolo hobane ba ne ba tseba boholo ba Morena, joalokaha Buka ea Tšenolo e bolela, "Hoa ho lokela uena Morena le Molimo oa rona, ho amohela tlotla, le hlomphele matla, hobane o bopile tsohle 'me ka thato ea hau tsohle li bile teng." (Tšenolo 4:11) Banna bana ba Halalelang ba tsebile hore kaha ha ba lokele ebile ha ba halalele ha ba na tokelo ea ho ema kapele ho Morena. Ba ile ba ipotsa potso e kang ena, "Hobane'ng u sa fumane e mong ea lokelang ho mpheta?" Ka ho itseba hore ke libopuo tsa Morena, ba ile ba ikokobetsa.

Bana b'eso Morena Jesu ha sa le eo kahar'a rona ka sebopeho sa motho, empa re ke ke ra latola taba ea hore rea fokola. Joaloka Isaia, Paulosi le Peterosi ha rea loka empa re na le lipelo tse se nang mano. Ka lebaka la hore Kriste o tlohile hara rona khale, re oela molekong oa ho mo lebala. Hape re boetse re etsa batho ba fokolang mohlala bophelong ba rona, ebe seo se re lebatsa Mopholosi oa rona.

Kriste o entseng bonnete ba hore ha re mo lebale ka ho re fa limpho tse bonahalang ho re bontša hore ke eena Morena le Molimo oa rona. O re file Kereke eo re leng karolo ea eona joaloka bana, boetapele ba Kereke bo faneng ka tradisone ho tloha khale, Lisakramente le Lisakramentale. O file moloko o mong le o mong bahalaleli ho bontša hore boikokobetso le ho mo sebeletsa ka lerato ke ntho e etsehang.

Morena Jesu ha re sia re le feela, ntle le 'Mele oa hae e leng Eukariste e Halalelang o boetse o re sietse limpho tse bonahalang. Limpho tsena ke matla a tumelo ea rona le tšepo ea se re emetseng ha nako e fihla.

Ha re hopoleng hore re mona moo re teng ka lebaka la grasia ea Morena, ka hona ha re etseng bonnete ba hore rea e sebelisa. Haeba re furaletse pholoho ea rona, ha re qaleng moo re siileng teng 'me kaofela ha rona ha re tsamaeng 'moho le Kriste, e le hore grasia ea Ntate ea Maholimong e khanye ka ho rona.

Bahalaleli har'a Beke

- 10 Hlakola Aponius
- 11 Hlakola Lucius
- 12 Hlakola Damian
- 13 Hlakola Lezin
- 14 Hlakola Valentine
- 15 Hlakola Berach

Tseliso Thakholi

Motlotlehi Mofumahali 'Masenate Mohato Seeiso o ketekile 'moho le phutheho ea bakriste le Kopano ea Anna ea Halalelang, Mokete o Moholo oa Tlhahiso ea Ngoana Jesu ka Tempeleng o neng o tšoareletsoe Parishing ea Maria Mofumahali oa Lefatše, Mazenod ka la 2 Hlakola monongoa.

Khothatso Fr. Lebes Emmanuel Mokhofu OMI o re ho isoa ha bana ba matsibolo ka tempeleng ho ea hloekisoa, e ne e le moello oa Bajuda e boetse e le molao oa Morena Molimo hore batsoetse bohle haholo-holo ka bana ba matsibolo, ba ne ba fua matsatsi a 40 a ho itokisetse ho hloekisoa kaha nakong ea matsatsi a supileng a pelehi ba ne ba nkoa ba sa hloeka.

O re taba ena ea tlohekiso

ea batsoetse ka tempeleng e ne e boetse e kenyeletse le tlohekiso ea sebe. "Joale potso ke hore na Maria Movirigo eena h'a ea ka tempeleng le ngoana Jesu eena o ne a il'o hloekisoa eng empa a hloka sebe le sekoli?" Ho botsa Fr. Mokhofu a bile a e ketsa ka hore Maria Movirigo eena o ile ka tempeleng ho ea re siela mohlala oa seo re lokelang ho se etsa, e leng ho ea hloekisoa e seng re kene ka tempeleng e be re khutla re ntse re le joalo.

A re Jesu Kriste o ile a isoa ka tempeleng ho ea nyeheloa ho Morena Molimo, 'me ngoana e mong le e mong oa matsibolo o lokele hore a khetheloe Morena Molimo. Ka hona, a re ho bohlokoa ho batsoali ho holisetsa bana ba bona tšabong le leratong la Molimo ka ho ba holisetsa kahare ho kereke. "Ho na le tloaelo ena ea hore batsoali ba bang ba holisetsa bana ba

bona kantle ho kereke. Taba eo ke bomalimabe bo boholo." A rialo.

A tiisa hore Jesu Kriste o ile a isoa ka tempeleng ho ea hloekisoa, empa a ne a se na sebe, "empa e ne e le mohlala oa hore le rona re ise bana ba rona ka tempeleng." A qetella ka ho ipiletsa ho bakriste ho nka mohlala oa Lelapa lena le Halalelang le neng le tsamaea 'moho le ho sebetsa 'moho nthong e 'ngoe le e 'ngoe.

Lebitsong la phutheho ea bakriste Monghali Lehlohonolo Mohale le Molutla-Setulo oa Kopano ea Anna boemong ba Deanary, Mofumahali 'Malerato Sekhohola ba lebohile boteng ba 'Mabasotho kahare ho phutheho ea bakriste ba Parish ea Mazenod. Ba leboha haholo haele mona a ile a rapela 'moho le bona, ba re ketso eo e ba file matla, tlhohonolofalo le tlotla e kholo.





E phutla ka o metsi

maoto ea basali Bantu Ladies e ntse e na le monyetla o moholo oa ho baleha sebakeng sena se kotsi seo e

Tšeliso Thakholi

Nakong ena eo lipapali tsa Liki e Kholo ea Basali, li seng li kene mokhahlelong oa bobeli oa Liki, Sehlopha sa Bolo ea Maoto sa Basali sa Bantu Ladies se ntse se itotobatsa hore ke ntekeng ngoan'a motšeaare o otloa ke bohle kamor'a ho khakathoa ntle ho qenehelo ke Berea Ladies ka phafa e bohloko ea 4-0 ka la 1 Hlakola monongoaha.

Beke pele e bapala le Berea Ladies, e ne e ile ea leka ho itoanela ha e ne e bapala le Bokamoso Ladies Lebaleng la Sekolo se Sehloho sa Temo, Maseru ka la 31 Pherekhong monongoaha moo e ileng ea e ranthanaya le ho ikutloisa monate ka ho teteka 8-1. Ho fihlela ha joale Bantu Ladies eo e leng eona ea ho qetela lokong, e se e bapetse lipapali tse robeli, ha ho papali le e le 'ngoe eo se e hapileng, sa hlaba lintlha tse tharo, sa hlajoa lintlha tse 19 ha se na lintlha-kholo.

Sena ke matšoa a hlakileng a hore sehlopha se mathuleng a ho sutha sebaeng, ha lipapali tsa Liki



ea Basali li fihla pheletsong monongoaha. Ruri sehlopha sena se khasa kahar'a maemo a hloabaetsang, 'me ho se ho se hokae se hata kosene, ha feela botsamaisi bo ke ke ba potlakela ho fenyha maemo ana, e se re ba aha serobe phiri e se e jele.

Sehlopha se seng se bonahalang se hula ntoa ka lithako tsa morao ke sa

Thaba-Tseka Ladies se boemong ba borobong. Ka mokhoa o tšoanang le sona se ka 'na sa iphumana se oeloa ke tora ea ho rathoa ke selepe ha lipapali li fihla pheletsong.

Ho sa le joalo, lihlopha tse bonahalang li ntse li ipabola ka papali ea tsona e tsoileng matsoho, li bile li le kahar'a lihlopha tse 'ne tse ka holimo liking ke Kick4Life

Ladies e boemong ba pele, bobeling ke bompoli ba sireletsang Mohope oa Liki e leng LDF Ladies, borarong ke sehlopha se sa tsoa khutlele Liking ea Basali e leng FC Stoko, ba maemong a bone e le Lijabatho Ladies e makalitseng ba bangata ka ho matlafatsa papali ea eona haholo monongoaha.

Ho ea ka ba bang ba barati le batšehetsi ba bolo ea

leng ho sona, ha feela e ka sebetsa ka thata ho hapa lipapali tsa eona tse setseng. Ba re sena se bonahetse papaling ea sona le Berea Ladies kaha e ne e fihla ka lipalong tsa Berea Ladies empa e hloloa ke menyetla e mengata ea ho hlaba lintlha. "Ha se hore e selehe empa e batla ho lokisoa mona le mane haholo-holo moleng o kapele." Ba rialo.

Li malala-a-laotsoe

Tšeliso Thakholi

Lipalami tsa libaesekele tsa tikoloho ea Ha 'Nelese li re li malala-a-laotsoe ho qothisana lehlokoa le lipalami tsa kahara naha le tsa machaba, mojaong oa bolelele ba 126km le 42km oa Bocheletsana Cycling Classic o tšehelisoeng ka sabu-sabu ea chelete e kalo ka M140,000.00, o tlang ho tloha Maseru ho leba Bocheletsana tikolohong ea Mantšonyane ka la 16 Thakubele 2025.

Sepalami se hloahloa Tšepo Ramokhele hammo ho le bo-mphato'ae ba babeli ho hlaha sehlopheng se sa tsoa thehoa sa libaesekele, e leng Lebohang Molefi le Joseph Toloane ba tobane le phephetso e matla khahlanong le lipalami tse hlaheletseng ka mahetla kahare ho naha le boemong ba machaba joaloka Kabelo

Makatile, Jonathan Tau, Eric Ramohane, Motlatsi Lempe le Moitheri Lebetsa.

"Re ntse re itokisetša ka matla a maholo ho tlnka karolo mojaong ona, mokhahlelong oa bolelele ba 126km, ha bo-mphato ba rona ba sehlopha sa rona, Mpinane Sehlabaka le Lineo Rammoneng bao re ntseng re koetla 'moho le bona ba tllilo nka karolo mojaong oa bolelele ba 42km." Ba rialo.

Ba re ba se ba ntse ba qalile mabelo a boitokisetso, 'me motho e mong le e mong ea nang le baesekele o amohelohile ho tla boikoetlisong. Ba re mabelong ana a boitokisetso ba tlasa koetliso e matla ea sepalami sa mehleng sa libaesekele e leng Monghali David Hlamini oa Ha Leqele, 'me hara lintho tsa bohlokoa tseo a li shebang ke nako eo sepalami se e nkang.

Ba supa hore ho bulela bohle hore ba kenele leb-

elo lena la boitokisetso ho etsoa ka sepheo sa hore ba qalang ho palama libaesekele e be boithuto ba ho palama hape le ho ntlafatsa boemo ba papali ena ea libaesekele. Ba re sena ke lehlohonolo ho lipalami tsa Lesotho ho ba le mojao oa mofuta ona kaha li tla ithuta

ho lipalami tsa khale le ba hlahang kantle ho naha kaha ba phela papali ena ebile ba e lefelloa ho iphelisa.

Ba qetella ka hore ke tlotla e kholo hore e be ba tllilo kopana le lipalami tse ngata tseo tse ling tsa tsona ka lebaka la litalenta tsa bona

ba ka 'nang ba fetola bophelo ba bona papaling ena kaha ba tllilo arorelana litsebo. "Ntlheng ea bohahlali lipalami tse na li tllilo etsa tlatsetso e kholo moruong oa naha le bophelong ba sechaba ka kakaretso. Ba bang ba se ba ntse ba le teng, 'me ba lula lihoteleng le ho reka thepa ea Basotho." Ke bona bao. Lena ke lekhetlo la pele sehlopha sena se kenela mojao o moholo oa machaba.



Machokha e lokolla libapali

Tšeliso Thakholi

Sehlopha sa Machokha se tliilo amohela 'mam-poli oa bolo ea maoto Lesotho, Lioli 'Tse Nala' Lebaleng la Bamba, Maseru mafelong ana a beke kamora hore se lokolle libapali tse supileng le ho matlafatsa sehlopha ka ho amohela tse hlano kampong ea sona.

Ho ea ka Raliphatlalatsa oa sehlopha, Monghali 'Mifi Nteso libapali tse lokolotsoeng ke Teboho Pita ho ea sehlopheng sa Matlama, Khosimotse Theko ho leba ho Lijabatho, Chidzero Vitalis ho khutlela ha habo Naheng ea Zimbabwe moo a il'o bapalla sehlopha sa Zimbabwe se bitsoang Zimbabwe ZPC le Khauhelo Khauoe ho leba Moholisa City ea Maputsoe.

Haele Khothlang Lesetla eena o lebile sehlopheng sa Mathaithai Naheng ea Afrika Boroa, Mohlominyane Qhobela o ile Happy Hearts ea Butha-Buthe le Nkopane Tabi ea ntseng a e-s'o fu-

mane sehlopha seo a se bapallang. Nteso o re joalokaha lebotho ha lea ntoeng le ikatella, e le hore le tsebe ho hlola ntoea, botsamaisi ba sehlopha bo fihletse qeto ka Lefapha la bona la Bokoetlisi ho amohela libapali tse ncha tse hlano, ho tla e hlanaka khahlanong le Lioli mafelong ana a beke.

Bona ke libapali tse peli tse hlahang Sehlopheng sa Liphakoe e leng Thabang Mofihli le Thapelo Letsoela, Thabiso Mohola ho tsoa Sehlopheng sa Liki ea A Division sa Lilemela, Halejoetsoe Chesetsi ho hlaha sehlopheng se otlang bana sa LCS le Joseph Semi ho tsoa Naheng ea Ghana. Ntle ho mona, Nteso o re

ho lokolloa ha libapali tsena ha se hobane ba le selehe, empa ke ho holisa le ho matlafatsa litalenta tsa bona, etsoe ho se ho ntse ho e-na le lihlopha tse neng li ba batla. A ba lakaletsa katleho le ho ea ba mehlala e metle lihlopheng tse ncha tseo ba lebang ho tsona. A ba hlokomelisa hore moo ba eang teng ba tsebe hore ba

emetse Sehlopha sa Machokha. Ho sa le joalo, lipapali tsa Liki mafelong ana a beke li eme tjena: ka Moqebelo, Lijabatho vs Bantu, Liphakoe vs Matlama, LDF vs LCS, Lifofane vs Manonyane. Ka Sontaha, LU vs Majantja, LMPS vs Ace Maseru, Linare vs Mzamane, Machokha vs Lioli.



E phahama ka Summit

Tšeliso Thakholi

Barati le batšehetsi ba sehlopha sa bolo ea maoto se neng se sa tsoa theohela ho A Division sa Naughty Boys, ba neng ba se ba bonahala ba se ba nyahame lipelo le ho haroha matšoafu ke ho lahleloa hoa eona ke lipapali karolong ea pele ea Liki ngoahola, ba boetse ba tsohile molota kamora hore e phahame ka FC Summit ka ho e pola 2-0 Lebaleng la Swallows, Mazenod ka la 1 Hlakola 2025.

Batšehetsi ba Sehlopha sa Naughty Boys ba neng ba bohile papali ena, ba supa hore tlhoho ea bona ea pele ea selemo sena e ba tsositse morolo oa hore sehlopha se tliil'o sebetse hantle haholo ka ho hapa lipapali tsohle tsa sona tse setseng.

"Re ne re se re bokol-

ba bile ba eketsa ka hore monongoaha ba na le tšepo e kholo ea hore se tla baleha kotsing moo se leng teng, 'me se be kahar'a tse 'ne tse ka holimo lokong.

Mokoetlisi oa Naughty Boys, Retšelisitsoe Lephaila o netefalitse maikutlo ana a batšehetsi ka hore o khotsofetse haholo ke tsela eo sehlopha sa hae se bapetseng

ka eona. A re ka libapali tse ncha tseo a li tekeneng, e se e le h'a qalile ho bolaisa lihlopha tseo a qothisanang le tsona phafa. A re batšehetsi ba khobe matšoafu kaha monongoaha ha se ngoahola, 'me ba tliil'o bona Naughty Boys e se e le e sa tšoaneng le e neng e bapala mokhahlelong o fetileng.

"Lihlopha tse sa kang

tse re hlola nakong eo re neng re sa bapale hantle li lebele. Hantle nakong ea ho feta ho ne ho e-na le lintho tsa bolong mona, tseo re neng re ntse re li fosa tse neng li lokele hore li etsahale. Hona joale re entse lintho tsa bolong tseo re reng li nepahetse." O boletse joalo. A tiisa hore lihlopha tse ngata li tliilo kopana le pela li falla.



Motivation versus Desperation



Teboho Matjeka
63574502/58911803

We all want success in life and honestly success doesn't fall on a lap or grow on trees. It is something that we have to toil for. We normally think success is some place we are headed to in the future while in actual fact it is vested in our daily decision making processes. What kind of decisions do we make, are they speaking to the future we want? Often times the difference between success and failure is on the motive of our decision making, do we make decisions based on a motivation to succeed or do we make decisions because we are desperate? If our decisions are motivation-driven then they are calculated moves, likely to produce positive results as they were looked at from all angles, challenges already anticipated, but those out of desperation are responsive to a prevailing situation, leaving no time for proper planning and anticipation, success coming from here can be so minimal if at all. If we really need to be successful we should be driven by motivation while working hard to avoid desperation.

ELEGANCE COUTURE

fabric that speaks

ELEGANCE
FABRIC THAT SPEAKS

PHYSICAL ADDRESS:
TRADORETTE BUILDING ROOM B22

WHATSAPP: +266 58524642

FACEBOOK AS ELEGANCE COUTURE

INSTAGRAM AS ELEGANCE COUTURE

REDEFINING ELEGANCE
WITH DESIGNS THAT
INSPIRE CONFIDENCE



Tharollo ea lintoa LHDA

Nthabeleng Seitlheko

Morero oa Metsi a Lihlaba tsa Lesotho (LHDA) ka kopanelo le Mekhatlo ea Basebetsi le Mekonteraka e sebet-sang Morerong oa khaho ea Letamo la Polihali, ba thakhotse sethala sa lipuisano lipakeng tsa bahiri le

bophethahatsi, ka hoo a ipiletsa ho mekhatlo, basebetsi ba hae le mekonteraka hore ba tla tseba ho buisana le ho ba le chebelo pele, 'me ke takatso ea hae hore tšebetso ena e tla ba molemo ho fihlela qetellong ea tšebetso.

'Musi oa Setereke sa Mokhotlong Kepa Keqe, o itse sethala sa lipuisano ke pheko, se tliša khotso, hobane ha joale ba fihlile khubung ea taba

toka kahar'a basebetsi le morero. A re o thoholetsa LHDA ka tšebetso ena kaha ho t'lo thusa ho rarolla likhang tsohle tsa basebetsi.

Ho litho tsa sethala sena, o itse o lumela hore ba tla lula ba tšohla litaba tsa meputso, lihora tsa basebetsi le ntlafalo ea litsebo tsa basebetsi, le hore basebetsi ba tla utloisisa lipehelo tsa bahiri. A ipiletsa ho mekhatlo ho sebetso 'moho molemong

thusa hore ho se be le boemo boo basebetsi ba behang lihlobo fatše nakong ea tšebetso. O re tšepo ke hore bahiri ba tla nka taba ena ho thusa hore seo ba se hlokang se tle se atlehe, 'me tsohle li tla etsoa ka tsela e tšoanang kahar'a mekonteraka, hore ba tle ba fihlele tšebetso ea khaho ka khotso.

Mookameli oa Morero oa Sethala sena Lindiwe Sephomolo, o re sethala sa lipuisano lipakeng tsa bahiri le basebetsi karo-lo ea 109, e hlalosa hore basebetsi le bahiri ba ka etsa sethala sena, ho ntlafatsa maemo a teng, ntlafalo ea basebetsi le lipuisano. A re pele litaba tsa lipuisano lipakeng tsa bahiri le basebetsi li ne li etsoa boemong ba naha, empa ha joale taba eo e theoletse matla a eona tlaase ho bahiri le basebetsi, 'me karo-lo ea 111 e ba lumella ho etsa molao o ba tsamaisang liqetong tsohle.

O re se susumelitseng qeto ena ke taba ea litlelebo tsa basebetsi, boitseko le linyeoe tse kenngoang makhotleng a basebetsi le a rarollang likhang tsa basebetsi, 'me basebetsi ba ne ba lula ba hula matsoho mosebetsing khafetsa. Tšebetso ena e entsoe boteng ba mokhatlo oa Unite, LEWA, IDUI le CMQ.

A re sethala sena tla thusa hape hore ho be le tsamaiso ea lipehelo tsa tšebetso 'me ho etsoe litumellano moo ho

lokelang le litaba tsa bona li tšoane, hape ho rarolloe likhang lipakeng tsa bahiri le basebetsi. Tsela ea popeho ea sethala sena ka sehlohlolong ke LHDA, Molula-Setulo, Sethala le Mongoli.

Mosebetsi oa LHDA e tla ba ho fana ka tšebetso, Molula-Setulo o nka feela nako ea lilemo tse peli, ha etse liqeto empa o bona hore liphutheho li tsamaea hantle le ho tekene-la tumellano ea tšebetso. Boemeling ba mekhatlo kahar'a sethala sena mekhatlo e tla fana ka batho ba bararo, e tla ntša ea emelang basebetsi ba theohetseng le ea nkang liqeto, ha mekonteraka e tla ntša batho ba bararo.

Hlalefang Seoaholimo, lebitsong la mekhatlo e teng kahar'a sethala sena, o itse ele mekhatlo ea basebetsi ba thabile ebile ba leboha LHDA ka khato ena ka hore ebe ba ile ba bona bohlokoa ba ho tšehetsa sethala sena sa lipuisano kaha e le lekhetlo la pele se ba teng. O re hona ho tla thusa hore mafapheng ohle taba ena e etsahale, ebile lekhetlong lena ha ba sa tla bona basebetsi ba fumana meputso e sa tšoaneng le ho se ba tšoaroe ka tsela e tšoanang ho latela tšebetso e fapakaneng ea mekonteraka.

A re ba ikemiselitse ho bona hore ba sebetso 'moho molemong oa Basotho.



basebetsi, ho qoba likhohlano, boipelaetso, tšeki-setso ea basebetsi le boiketlo ba basebetsi. Litaba tsena li bile Polihali, ka la 6 Hlakola monongoaha.

Mookameli oa LHDA Tente Tente, o hlalositse hore ha se hore ha ho sa tla ba le boitseko ba basebetsi empa o lumela hore sethala sena se tla theola sekahla sa boitseko, ho se tšoaroe hantle ha basebetsi le boiketlo ba bona. O re ba entse bonnete ba hore sechaba sohle sa Basotho se una molemo khahong ea Letamo lena. A re tse ling tsa litlelebo ke ho se lefshoe ha likhoebo tsa Basotho ka nako 'me ka tsela eo mekonteraka e thefula khoebo.

O re ba t'lo ba le sebaksa sa lipuisano, moo ba tla tseba ho buisana le mekhatlo ho bona hore basebetsi ba fumana litlehoko tsa bona. A re e le LHDA ba ntse ba itlama ho lula e le mehlala ea

ea ho shebisana taba tse amang mafapha ohle. A leboha taba ena kaha e tlo ba thusa hobane hohle moo ba bokanang ba ne ba lula ba shebisana litaba 'me ba una molemo.

Letona la Khiri le Bosebetsi Mohlomphehi Tšelis Mokhosi, o re o motlotlo ka ntlafalo e tlišoang ke morero ona kahar'a sechaba joaloka ho theha mesebetsi le ntlafalo ea moruo, ka hona e le lekala ba lebeletse hore bahiri le basebetsi ba itataise ka melao ea naha ena ea basebetsi, kaha ka ngoahola ba thakhotse molao oa basebetsi ho tiisa tšireletso ea bona mosebetsing le botsitso, kaha ha tseo li le sieo ho se khotso.

O re molao o lumella basebetsi hore ba kene mekhatlo ea boikhethelelo ba bona, empa ba lokela ho etsa seo ka ho kopana 'moho le bahiri. O thoholelitse sethala sena kaha se t'lo akofisa

oa ntlafalo ea tšebetso.

Mookameli oa LHDA Polihali Gerard Mokone, o bontšitse hore sethala sa puisano lipakeng tsa basebetsi le bahiri ke molemong oa boiketlo ba basebetsi; bo kenyetsang litaba tsa khiri le meputso ea basebetsi tse hlokang ho rarolla ntle le boitseko.

A re sethala sena se tla

